

ԱՌԵՒՅՐԱԿԱՆ ԵՒ ԳՈՐԾԱՐԱՆԱԿԱՆ ԳՈՐԾԵՐԸ ՄԵԶԱՆՈՒՄ

ՅԱԿՈԲ ԱՆԱԳԶԵԱՆԻ

(Շարունակութիւն և վերջ¹⁾)

VIII

Գործարանական արդիւնաբերութեան և վաճառականութեան համառօտ տեսութիւնը անելուց յետոյ՝ դառնանք մեզ զբաղեցնող խնդիրներին—գործարանականութեան բարգաւաճմանը և մեր ընկած վաճառականութիւնը իր ցանկալի բարձրութեանը վերածելուն—մի կողմ թողնելով այն հարցը թէ արդիւնագործութեան որ ճիւղերը ցանկալի է որ զարգանային գործարանական ճանապարհով և որ ճիւղերը՝ տնայնագործական—հարցեր՝ որոնք բաւականաչափ պարզաձեւ չեն տակաւին:

Որպէս զի գործարանականութիւնը տարածւի, ծաղկի՝ նրան հարկաւոր են մեր կարծիքով:

Նախ՝ դրամագլուխ և ապա՝ գործադրական տեխնիկական գիտութիւն, գործին հմտութիւն, նախաձեռնող ոգու և վարելու ընդունակութեան հետ միասին:

Խոշոր և միեւնոյն ժամանակ ազատ դրամագլուխներ մեզանում գրեթէ չկան: Մեր ունեցած տեղեկութիւնների համեմատ՝ եթէ այսօր Թիֆլիսում հրապարակի վերայ լինի որ և է ընկերու-

¹⁾ Տես «Մուրճ» 1893 թ. № 1:

Թեան ծրագիր, — ընկերութեան, որի շահաւէտութիւնը երաշխաւորէր անգամ, և հարկ լինէր ժողովելու մի միլիոն ռուբլու դրամագլուխ — Թիֆլիսում՝ շնայելով նրա հարստութեան հռչակին՝ 100—200 հազարով մասնակցողների թիւը շատ սահմանափակ կը լինէր։ Գալով Բաղուին՝ պէտք է ասել, որ ազատ դրամը այնտեղ աւելի ևս հազադիւտ է և որ մասնաւոր անձինք, նոյն իսկ ընկերութիւններ, ուրախութեամբ վճարում են տարեկան տոկոս 12⁰/₀ և աւելի։

Բայց պակասող այդ խոշոր դրամագլուխների փոխարէն մենք ունինք վաճառականների մօտ շատ մանր դրամագլուխներ՝ զետեղւած այնպիսի ձեռնարկութիւններում, որոնք, ինչպէս վերև տեսանք, արդէն գտանւում են յետադիմութեան — եթէ չասենք քայքայման — շրջանի մէջ. և այդպիսով այդ ձեռնարկութիւնները ոչ թէ միայն մի հաստատուն, շօշափելի շահ չեն տալիս իրանց տէրերին, այլ նոյն իսկ ոչ մի երաշխաւորութիւն չեն ներկայացնում իրանց մէջ զետեղւած դրամագլուխները հետզհետէ սպառման վտանգից զերծ կացուցանելու։

Տեսնելու էր, մասնագէտներ — թէև ոչ ամեն արդիւնաբերութիւններից — մեզանում կան, բայց նրանք թէ սեփական միջոցների սղութեան և թէ դրամատէրերի անտարբերութեան պատճառով իրանց գիտութեան գործադրութիւն քիչ զոնելով մեղաւորում՝ կամ նւիրւել են ուրիշ զբաղմունքների, կամ շրջում են անգործ։ Աւերջապէս դրանց պատրաստելը կամ առժամանակ դրսից բերելը մեծ դժւարութիւններ չունի։

Գալով նախաձեռնող ոգու և վարելու ընդունակութեան՝ չի կարելի ասել, որ մեզ պակասում են դրանք։ Այն գործարանական և առևտրական հաստատութիւնները, որ այժմ գոյութիւն ունին մեզանում և որոնք ստեղծւել են անհատական ոյժերի շնորհիւ, առանց պետական որ և է օժանդակութեան — ապացոյց են նախաձեռնող ոգու ներկայութեանը, իսկ այդ հաստատութիւններից նրանք, որոնք բարեկարգ վիճակի մէջ են — վկայ են, որ մեր մէջ ևս կան վարելու ընդունակ անձնաւորութիւններ։ Այստեղ չի կարելի լռութեամբ անցնել երկու հայերի վերայ, որոնցից մինը (Առիս-Մելիքով) Մոսկւայում 1855 թւին հիմնեց

մետաքսի թելի առաջին մանարանը, որը յետոյ 60-ական թվերին (Յակոբ Վարդազարեանի ձեռքով) փոխադրեց Ներքին-Աղուլիս գիւղը, և միւսը (Մկրտիչ Մելիքենցով) Մոսկւայում բաց արաւ առաջին սպիւնի գործարանը:

Եւ այսպէս, մեր երկրի հում բերքերը մշակելու և նրանց, իբրեւ գործարանական արդիւնք, տեղական ազգաբնակութեանը մատակարարելու համար մենք ամեն ինչ ունինք, բացի գործարաններէրից: Քննենք այժմ այն պատճառները, որ մեզ խանգարում են լրացնել այդ պակասը և տեսնենք թէ որքան հնարաւոր է դրա իրագործումը:

1) Խոշոր գրամագլուխների բացակայութիւնը: Քանի որ, ինչպէս տեսանք, խոշոր դրամատէրեր մեզանում սակաւաթիւ են և եղածները գրեթէ ամենք խրաժ են զանազան ուրիշ ձեռնարկութիւնների մէջ (նաւթային արդիւնաբերութիւն, արքունի կապալներ, բանկային հաստատութիւններ և այլն). բացի սրանից, քանի որ իսկապէս անհեռատեսութիւն կը լինէր որ և է գրամատէրի կողմից իր ամբողջ կարողութիւնը մտցնել մի դեռ ևս անծանօթ, անփորձ ձեռնարկութեան մէջ—մեզ մնում է գործել հաւաքական ուժով, ընկերութիւններով: Իսկ մեր ընկերութիւնները ինչպէս են կազմուում—Ըստ մեծի մասին առանց մշակած, հիմնական և իւրաքանչիւր անդամի ու կառավարչի պարտաւորութիւններն և իրաւունքները սահմանող կանոնների: Ուստի՝ հէնց որ տեղի է ունենում որ և իցէ ձախորդութիւն—փոխանակ անկողմնապահ կերպով քննելու իրերի դրութիւնը, որոնելու մնասի իսկական պատճառը, ուղղելու կատարած սխալը և աւելի աչալրջութեամբ առաջ տանելու գործը—ընկեր ընկերի վերայ է բարձում ջանքանքը, իսկոյն սկսւում է անբաւականութիւն, վէճ և ահա լուծւեց ընկերութիւնը: Նուիւայ առեւտրական ընկերութիւնը—որի մասին վերև խօսք եղաւ—այդ կերպով կազմւած ընկերութիւններից մէկն էր. ոչ մի կանոնադրութիւն, ոչ մի հրահանգ չը կար. ամեն ինչ կախւած էր անփոփոխ կառավարչի բարի կամքից, որը—ի դէպ ասենք—ընկերութեան բախտից վերին աստիճանի շիտակ և անշահասէր մարդ էր. նրան իբր թէ օգնում էին խորհրդով ընկերութիւնից ընտրւած 4 անդամներ: Քանի որ ընկերութիւնը տալիս էր 40—60%

շահ—ամենքը դո՛հ էին. իսկ երբ վերայ հասաւ 60-ական թւերի վերջերում տեղի ունեցող կրիզիսը—իսկոյն բարձրացան տրտունջներ, աղմուկներ, որոնց հետեւեց բաժանումն:

2) Գործի ձեռնարկումն առանց բաւականաշափ դրամագլխի, որը հնարաւորութիւն չէ տալիս ձեռնարկողներին գործը այնքան ընդարձակելու, որ իրանց ապրանքը շուկայում գնի և յատկութեան կողմից արտաքին մրցումների դիմանայ: Բացի դրանից՝ աշխարհի գործարանատէրերը միշտ ստիպւած են լինում թանգ տոկոսներ վճարել անհրաժեշտ դրամը ձեռք բերելու համար, որը իր միասակար ազդեցութիւնը անում է նրանց անդիւնաբերութեան գների վերայ: Այսպիսի հանգամանքներում եթէ մի արտաքին ձեռք օգնութեան չէ հասնում—նրանց բանը պրծած է: Բարոն Կուչենբախ Բորչալուի դաւառում 1863 թւին հաստատելով իր 12 հազար ռուբլիովը հիմնում է պանրի գործարան շէշգարական դրութեամբ: Բայց շուտով նկատելով իր անկարողութիւնը՝ մի քանի անգամ դիմումներ է անում պետութեան և 26 հազար ռուբլի ներած պարտքն ու 27 հազար ռուբլի փոխառութիւնը հազիւ թէ բաւական են լինում նրան կարգի դնելու իր գործարանը: ¹⁾

3) Ձեռնարկութեան անհետեւ լինելը կամ ըստ ծաւալին, որը չներկծել գործատէրերին որ և իցէ ներգործական դեր ստեղծել իրանց համար արդիւնաբերական և առևտրական ասպարիզում՝ նրանց խաղալիք է շինում ազդեցիկ մրցակիցների և շրջապատող ընթացիկ հանգամանքների ձեռքում (այս վիճակն ունէին Բագում կէրոսինի այն փոքրիկ գործարանատէրերը, որոնք խոշորների հետ միասին միևնոյն ասպարիզում գործել չկարողանալով՝ դադարեցրին իրանց գործառնութիւնը). կամ ըստ կարևորութեան, որը ոչ մի պակաս չլրացնելով ժողովրդական տնտեսութեան մէջ՝ ոչ մի առաջադիմութեան հաւանականութիւն չէ ներկայացնում ձեռնարկողներին: Օնիկով, Չուբալով և ընկ. 1883 թ. Գերմանիայից բերել տւին կառարելադործած, նաւթով վառող հնոցներ իրանց հացադործ վարպետներով, բայց որովհետև Թիֆլիսի

¹⁾ Обзоръ фабр. и завод. Тифл. губ. Гулишамбаровна 1888 г.

աղգարնակութիւնը կարիք չունէր իր սովորական հացը թողնելու և իր ստամոքսը ուրիշ հացի ընտելացնելու՝ թէև դա մի փոքր էժան ևս լինէր, ուստի ընկերութեան հացը՝ նրա բոլոր ջանքերին հակառակ՝ ընդունելութիւն չգտաւ ¹⁾։

4) Անպատճառ մի մեծ, մի փայլուն գործի ձեռնարկելու սէրը, Բագում կան նաւթային արդիւնագործութեան հետ առնչակից բազմաթիւ մանր զբաղմունքներ, աւելի ապահով և աւելի շահաւէտ միջին դրամատէրերի համար քան թէ նաւթային արդիւնաբերութիւնը. այսպէս են՝ հորերի փորելը, փայտեայ և թիթեղեայ արկղների շինելը, տակառագործութիւնը և այլն. բայց սրանք բոլորն էլ օտարների ձեռքին են—մենք սիրում ենք նաւթային գործում կամ հորատէր, կամ կէրոսինի գործարանատէր լինել, կամ երկուսն էլ միասին։

5) Գործնական հասկացողութեան և ըմբռնողութեան պակասութիւնը՝ տեղի անսխալ ընտրութեան վերաբերմամբ։ Շմիդտ 1856 թ. պետութեան օգնութեամբ Թիֆլիսում Կուր գետի վերայ սարքում է 300 հազար ռուբլի նստող ջրաղաց, բայց յետոյ նկատում է, որ լաւ տեղ չէ ընտրել և որ գետից օգտուելը իրան շատ թանգ է նստում, ամեն տարի նորանոր ծախքեր պահանջելով ջրի հոսանքի կապիղաներից ազատ մնալու համար։ Շմիդտ սնանկանում է, իսկ նրա ջրաղացը՝ շոգէաղացի փոխաւ՝ այժմ Թամամշեկին է պատկանում ²⁾։ Երկկրորդ օրինակ. ինժեներ-տեխնոլոգ Կանդուրալով Արտազովի հետ միասին 1878 թ. Թիֆլիսում բաց արին կաւեղէն արդիւնքների գործարան։ Երբ ամեն ինչ շինւած վերջացած էր՝ յետոյ նկատեցին որ տեղի ընտրութիւնը անաջող է—մօտակայքում ոչ մի տեղ լաւ տեսակի կաւ չկայ։ Այդ գործարանը փակեց 1883 թ. մեծ դեֆիցիտով ³⁾։

6) Հիմնողների զուրկ լինելը անհրաժեշտ գործնական գիտութիւնից և բոլոր յոյսը միայն տեխնիկների վրայ դնելը։ Իշխ. Էրիստով 1841 թ., պիտական նպաստով բաց է անում սեփական կալաճքում ապակիի գործարան 30

¹⁾ ²⁾ ³⁾ Обзоръ Фабр. и Завод. Тиф. губ. Гулианбарова 1888.

տարի շարունակ ի վնաս իր յամսո. տիրոջ գործելուց և այդքան միջոցում մի կարգին ապրանք դուրս բերել չկարողանալուց յետոյ՝ երբ իշխանի մահամբ գործարանը 1872 թ. կապալով անցնում է Էպտէյնի ձեռքը—յայտնւում է, որ նախկին տեխնիկը իր քթի տակ (300 քայլի վրայ) եղած պատուական աւազը չէր նկատել, այլ այդ նիւթը, այն էլ ստոր տեսակը, հեռի տեղից էր բերել տալիս¹⁾։ Ուրիշ օրինակ. Ղամբարով և Սահակով բաց են անում Գորիում կաշւի գործարան 70-ական թւերին. բացց որովհետեւ իրանք գործից հասկացողութիւն չունէին և իրանց բոլոր յոյսը դրել էին գերմանացի վարպետների վերայ—շարունակել չկարողացան²⁾։

7) Յատուկ կառավարչի չը լինելը, որ պատահում է սակաւաթիւ անդամներից բաղկացած ընկերութիւններում, երբ ամեն մէկ անդամի՝ կարգադրութեան մէջ խառնելով՝ տրւում են գործակատարներին՝ յաճախ իրար հակառող՝ հրահանգներ, անտարակոյս, ի վնաս ընդհանուր գործի։ Այսպիսի դէպքերի շատ օրինակներ այս տողերը դրողին յայտնի են ազուլեցիների առեւտրական ընկերութիւնների կեանքից։

8) Անպարտաճանաչ և անազնիւ կառավարիչը, որը աւելի սեփական շահերի ու անձնական հանգստութեան վերայ է մտածում, քան թէ իր կառավարութեան յանձնած հաստատութեան վրայ, և մատերի արանքով է նայում տեղի ունեցող թանկ գնումների, անշահ վաճառումների, շուսյլ և աւելորդ ծախքերի, գործակատարների զեղծումների և կեղծ հաշւետուութիւնների վերայ, որոնց հետեանքը յայտնի է։

9) «Եօլայ տանելու» սկզբունքը, — մի վնասակար սկզբունք՝ որ առաջնորդում է մեզ մեր ամեն ձեռնարկութիւնների մէջ։ Կառավարիչը, տեխնիկը, մեքենավարը, հաշւապահը, վարպետը, գործակատարը, բանւորը մի քիչ պակաս էլ հասկանան իրանց գործը—հոգ չէ, եօլայ կը տանեն, միայն թէ էժան գնով վարձւին։

10) Գործողութեանց նախագծի և ծախուց նախահաշւի բացակայութիւնը, որի շնորհիւ հաստատութիւնը ընթանում է միշտ ենթարկւած անդեկ և անկողմնա-

¹⁾ ²⁾ Обзоръ Фаб. и Завод. Тиф. губ. Гулишамбаровъ 1888 г.

ցոյց նաւի պէս՝ հանգամանքներէ բերմունքին, կամ վարիչների կամայականութիւններին ու անգիտակցական սխալներին:

11) Կանոնաւոր հաշւի բացակայութիւնը, որի շնորհիւ հաստատութիւնը ամեն ժամանակ հնարաւորութիւն չէ ունենում տեսնելու իր ճշգրիտ պատկերը, տեղեկանալու իր իսկական վիճակի մասին:

12) Օժանդակող գործարանների պակասութիւնը: Յալոնի է, որ շատ զանազան գործարաններ կապ ունին միմեանց հետ—մէկը լրացնում է միւսի պակասը: Արդ՝ քանի որ մեզանում գործարանները չնչին թւով են, շատերը բնաւ չը կան և եղածները օրինակ, մեքանիկական գործարանները, շատ պակասաւոր են, —այս պատճառով աշխատութեան բաժանումն տեղի չէ ունենում մեր մէջ և մեր գործարանատէրերը հարկադրւած են լինում թէ մէկ գործարանի տեղը երկուսը բանալու—օրինակ Միրզոյեւը, կտաւի գործարանը բանալու համար, առաջ պէտք է բամբակի մանարան բաց անէր—և թէ օժանդակող բաժանումներ բանալու—օրինակ կտաւի գործարանին կից՝ փականագործութեան բաժանումն:—Լինում են դէպքեր, երբ գործարանատէրերը ստիպւում են ամիսներով դադարեցնել գործը, մինչև մի ֆնասւած մեքենայ կարկատել տան երկրից դուրս մի հեռաւոր գործարանում:

13) Առհասարակ աշխատաւոր ձեռքերի և մասնաւորապէս վարպետ գործաւորների սակաւութիւնը և թանգութիւնը մեզանում—հանգամանքների, որոնք ոչ թէ միայն անհնար են կացուցանում ներմուծող ապրանքների հետ մրցումը՝ թանգ նստեցնելով տեղական արդիւնքները, այլև բանաւորների գործադուլների դէպքում ամիսներով գործարանը փակելու և հեռի տեղերից վարպետ բանաւորներ բերելու հարկին մէջ են դնում գործարանատիրոջ: Այսպիսի մի դէպք էր, որ ստիպեց Միրզոյեւին Լոճից գործաւորներ բերել, թէև դրանք ոչ էժան են նրստում և ոչ երկար մնում են մեր երկրում:

IX

Ուշի ուշով քննելով մեր այստեղ մէջ բերած պատճառները՝ մենք գտնում ենք, որ հնարաւոր է վերացնել նրանց և գործարա-

նական գործի համար ստեղծել զոչութիւն ունեցողներին հակառակ պայմաններս

Մեր կարծիքով այդ պայմանները կարող են հետեւեալները լինել՝

- 1) Բարեկազմ ընկերութիւններս
- 2) Բաւականաչափ դրամագլուխս
- 3) Կարեւոր, շահաւէտ, թէև ոչ միշտ փայլուն ձեռնարկութիւններս

4) Անսխալ ընտրութիւն տեղիս

5) Գործադէտ, շիտակ, ըստ արժանոյն վարձատրւած կառավարիչներ, տեխնիկներ, հաշւապահներ, գործակատարներ և այլն։ Աւելի լաւ է՝ եթէ սրանք ընկերներից լինեն, կամ ղոնեա՝ եթէ սրանց սեփական շահերը ուղղակի կախած լինեն հաստատութիւնների զուտ շահերից։

6) Որոշ, անթերի ծրագիրս

7) Կանոնաւոր հաշւապահութիւնս

Իսկ ինչ վերաբերում է այն հանգամանքներին, որ մեզանում օժանդակող, միմեանց պակասը լրացնող գործարաններ չը կան և աշխատող ու վարպետ ձեռքերը թանգ են—դրանք ժամանակի հարցեր են և գործարանական գործի ծաղկելովը՝ ինքնին կը վերանան։ Գործաւորների սակաւութեան և օրավարձի թանգութեան պատճառը զլիսաօրապէս պէտք է որոնել ընտանեկան կազմակերպութեան մէջ։ Յայտնի է որ ամեն տեղ օրավարձի իջեցնողը գործաւորուն է։ Իսկ մեզանում իդական սեւը, մանաւանդ հարեմական կեանքով սնւած թրքունին, իրան, որքան կարելի է, հեռի է պահում գործարանական աշխատութիւնից, կամ գուցէ ստիպւած է այդպէս անել։ Բայց պէտք է աւելացնենք, որ իրերի այդ վիճակը, որի օրինակները մենք տեսնում ենք Ղարաբաղում, Նուխիում, Սրգուբաթում, տևողական է։ Եւ եթէ մենք կարողանանք ընտրել տեղը, հիմնել մեր գործարանը կենտրոնում—մենք ոչ գործաւորների պակասութիւն կը զգանք և ոչ թանգ օրավարձ կը վճարենք։

Վերջացնելով գործարանների մասին մեր ասելիքը՝ չենք կարող չնկատել, որ մի ժամանակ ամենքը այն կարծիքի էին, թէ

շողի ոյժը մտնելով արդիւնաբերութեան մէջ և ստեղծելով այժմեան ընդարձակ, տեղ տեղ ահագին գործարանները՝ պիտի խսպառ կլանէ, մեռցնէ տնայնագործութիւնը: Բայց փորձերը ցոյց տւին՝

1) Որ միայն շատ ընդարձակ գործարանների արդիւնքները մեքենաների շնորհիւ էժան են նոսրում տնայնագործութեան արդիւնքներից.—ուրեմն որ տնայնագործութիւնը դեռ կարող է գոյութիւն ունենալ:

2) Որ գործարանականութիւնը ստեղծում է դրամագլխի տիրապետութիւն աշխատանքի վերայ. մի բռնութիւն, որի դէմ աշխատանքի ներկայացուցիչները միայն գործադուլներով են բողոքում.—ուրեմն որ տնայնագործութիւնը, որը մի յայտնի չափով երաշխաւորում է բանւորների անկախութիւնը դրամագլխից, արժանի է ամենայն խրախուսանքի և ցուցմունքների ինտելիգենտ անձինքների կողմից: Վերջին տարիներս նոյն իսկ պետական շրջաններում միջոցներ են ձեռք առնում տնայնագործութիւնը զարգացնելու, ինչպիսի են՝ փոխատու բանկեր, միայուն ցուցահանդէսներ և այլն:

X

Վերև մենք ծանօթացանք մեր վաճառականութեան ներկայ վիճակի հետ,—այստեղ նրա պահանջած փոփոխութիւնների մասին խօսելուց առաջ՝ տեսնենք թէ ի՞նչ պիտի լինի վաճառականութեան դերը ժողովրդական տնտեսութեան մէջ:

Վաճառականը պէտք է միջնորդ լինի արտադրողի և սպառողի մէջ—եթէ դրանք հնար չունին տեղի հեռաւորութեան, ժամանակի սղութեան, դրամի պակասութեան, կամ այլ պատճառներով ուղղակի յարաբերութեան մէջ լինել միմեանց հետ: Քանի որ՝ այդ միջնորդների թիւը հարկաւոր չափից աւելի է—որպէս զի գոյութեան կռիւը ստիպէ նրանց զանազան զեղծումներ ու խարդախութիւններ գործել դիմացիների հետ մրցելու համար.—ուրեմն, քանի որ նրանք շիտակաբար են կատարում իրանց պաշտօնը—համեմատաբար մի չնչին վարձատրութեամբ և մեծամեծ ռիսկներով մատուցանում են մի մեծ ծառայութիւն տեղական ազգաբնակչութեանը—նրանք ամենայն պատւի և շնորհակալութեան արժանի են վերջինի կողմից:

Բացի սրանից՝ վաճառականը կարող է նաև մեծապէս նպաստել գործարանական արդիւնաբերութեան զարդանալուն՝ բաժանելով գործարանատիրոջ հետ աշխատութիւնը։ Վաճառականը կարող է, օրինակ, զնեւ բամբակը զիւղացուց, բերել և վաճառել մանաւանդաբար՝ վերջինիցս ի փոխարէն և յապահովութիւն վերցնելով նրա մանածը նրա հաշին յանձնավարձքով վաճառելու։ Ապա այդ մանածը վաճառելով կտաւի գործարանատիրոջ՝ վերցնել նրանից վերոյիշեալ պայմաններով նրա կտաւը։ Յետոյ այդ կտաւը վաճառելով չթաղործին՝ վերցնել նրանից նոյն պայմաններով նրա չիթը և այլն։

Եթէ մենք կարողացանք ուղիղ սահմանել վաճառականութեան կոչումը ժողովրդի անտեսական բարօրութեան տեսակէտից, — այդ կոչման վերածելու համար մեր արդի ընկած վաճառականութիւնը — բացի վերացնելուց այն պակասութիւնները, որոնք ընդհանուր են ամեն տեսակ ձեռնարկութիւնների և որոնց վերայ մենք մատնանիշ արինք գործարանականութեան մասին խօսելիս — հարկաւոր է, մեր կարծիքով, որ հեռանան ասպարիզից բոլոր աւելորդները — մանաւանդ նոր սկսողները, անընդունակները, դժգոհները, որոնք իսկապէս խանգարում են միւսներին — միացնեն իրանց դրամագլուխները, կազմեն ակցիոնէրական ընկերութիւններ և ձեռնարկեն գործարանական ու գիւղատնտեսական արդիւնաբերութիւններին, մինչև անգամ՝ նաև վաճառականութեան, եթէ դրանով մի պակաս ունին լրացնելու, ինչպէս մեր վերև յիշած աշխատութեան բաժանումն է գործարանատիրոջ հետ։

Երբ այդպիսով, աւելորդների հեռանալով, շուկայում կը մնայ վաճառականների միայն անհրաժեշտ քանակութիւնը, — այն ժամանակ մի կողմից նրանք՝ վաճառականները՝ ապահոված լինելով իրանց շահերի մասին՝ ստիպւած չեն լինիլ խարդախութիւններ գործելու, որպէս այժմ, իրանց ապրուստը հաշթհաշթելու համար, և միւս կողմից հասարակութիւնը, մանաւանդ մեր ինտելիգենցիան, որ այժմ այնքան արհամարհաբար է վերաբերւում նրանց, կը ստիպւի ճանաչել և խոստովանել վաճառականների ծառայութեան կարեւորութիւնը։

Իսկ այն վաճառականների մասին, որոնք առանց դրամադլիսի,

միայն պարտքով, վարկով են գործ տեսնում և որոնց թիւը դժբաղդաբար քիչ չէ մեզանում—խօսել աւելորդ ենք համարում. նրանք գրանով միայն վտանգի տակ են դնում իրանց պատիւը և վնասներ պատճառում թէ իրանց վարկ բացողներին և թէ դրամատէր ու շիտակ վաճառականներին:

Վաճառականութեան մասին մեր ասածներից այսքանը իսկապէս վերաբերում է նրա տեսական, իդէալական կողմին. բայց՝ եթէ մեր առաջարկած միջոցները գործնականապէս անիրագործելի են, — ցանկալի կը լինէր գոնէ, որ վաճառականները բռնէին այն ճանապարհը, որի վերայ գտնւում են Եւրոպայի առևտրականները: Նրանք կամ յանձնակատար են, որոնք ընդունում են ամեն տեսակ ապրանքների վաճառելու և գնելու յանձնարարութիւններ ի հաշիւ յանձնատուների. (սրանք ըստ մեծի մասին և աւանդառու են, այն է իրանց ընդունած ապրանքի դէմ կանխավճար տուող, ինչպէս վերև ասացինք). կամ ներկայացուցիչ գործակալ որ և է գործարանի, որոնք նպաստում են իրանց դրամով գործարանտիրոջը և նրա արդիւնքները վաճառում:

IX

Մնում է մեզ երկու խօսք ևս առել արդիւնաբերական և առևտրական ընկերութիւնների կազմելուն արգելք եղող պատճառների մասին:

Թէ մենք հասկանում ենք միացած ուժով գործելու օգուտը—դրան աւելի պարզ ապացոյց չէ կարող լինել, քան թէ այն բնորոշ խօսքերը, որ ասում էին մի քանի տարի առաջ մի նախադժւած առևտրական ընկերութեան նախաձեռնողները այս ու այն վաճառականի դիմելով՝

«Ընդբայր, ասում էին նրանք, հէնց այն խնայողութիւնը՝ որ մեզանից իւրաքանչիւրը ունենալու է այս ու այն քաղաքի ծախքերում և այն տարբերութիւնը գների մէջ, որ մենք ունենալու ենք միմեանց մրցակից չը հանդիսանալուց ապրանքի թէ գնման և թէ վաճառման քաղաքներում—եթէ մեզ մնան՝ բաւական է»:

Թէ՛ մենք ձգտումն ունինք ընկերութիւններ կազմելու—դրան ապացոյց են այն բազմաթիւ ընկերութիւնները, որոնք ծնունդ են

առել վերջին երկու-երեք տասնեակ տարիներում, թէև նրանց ամենամեծ մասի կեանքը շատ կարճատև է եղել և վախճանը՝ ողբալի:

Ուրեմն՝ մենք թէ՛ ըմբռնում ենք ընկերութիւնների օգտաւետութիւնը և թէ՛ ձգտում ենք նրանց կազմելու. բայց այսու ամենայնիւ ընկերական դործը մեզանում առաջ չի գնում և դրա պատճառը, բացի վերև մէջ բերածներից, — որոնք վերաբերում էին արդէն կազմած ընկերութիւնների լուծւելուն — մենք գտնում ենք և հետևեալ՝ ընկերութիւնների կազմւելուն արգելք եղող՝ պայմանների մէջ.

1) Լուծւած և լուծւող անբարեկազմ ընկերութիւնների վհատեցուցիչ օրինակը:

2) Որովհետև ընկերութիւնները յաճախ փնաս են մասնաւորների շահերին, — ուստի վերջիններիս մէջ միշտ գտնւում են զանազան մեքենայութիւններ լարող, այս ու այն անձի և նրա գործունէութեան վերայ ստւեր գցող անհատներ, որոնց ինտրիգանների և կազմող ընկերութեան անդամների պարզամտութեան և անխնայութեան շնորհիւ նախաձեռնողների բոլոր ջանքերը ընդունայն են անցնում: Կախում և Զաքաթալում 3—4 տարի առաջ կազմած ճոթավաւերի ընկերութիւնների նախաձեռնողները թէև կարողացան՝ զանազան մեքենայութիւնների հակառակ՝ գլուխ բերել իրանց ընկերութիւնները, բայց նրանցից առաջինը՝ Կախինը միայն 2 տարի գոյութիւն ունեցաւ, իսկ երկրորդը՝ Զաքաթալինը հազիւ թէ պահւում է տակաւին՝ ընկերութեան խիստ պայմանների շնորհիւ:

3) Մեր խոշոր վաճառականները չեն ախորժում, որ մանրերն իրանց հետ ընկերանան, իրանց հաւասարեն:

Կարծեմք այս հանգամանքը շատ լաւ բացատրած կը լինինք բառ առ բառ մէջ բերելով մի՛ իբր թէ խոշոր վաճառականի խօսքերը իրանից ստոր համարողի վերաբերմամբ.

«Թող, ասում էր նա, դատարկ կարասը զարկւի լի կարասին — տեսնենք թէ ո՞րը ողջ կը մնայ»:

4) Մեր խոշոր վաճառականները եթէ համաձայնութիւն էլ չայտնում են մասնակցելու որ և իցէ, ընկերութեան — նրանց առաջին և անփոփոխ պայմանը այն է լինում, որ գլխաւոր և գէր պաշ-

տօնների վերայ իրանք և իրանց ազգականները նշանակեն կանխապէս:

5) Մտաւոր զարգացման, կրթութեան և սկզբունքի բացակայութիւնը ամենամեծ խոչընդոտն է, ինչպէս ամեն հասարակական, նոյնպէս և ընկերութիւնների կազմակերպութեան գործում: Անկիրթ մարդիկ առհասարակ չեն ակորժում սահմանափակել իրանց բացարձակ իրաւունքները, ծանաչել իրանց պարտաւորութիւնները, խոստովանել ընկերոջ իրաւունքը և յարգել ուրիշի կարծիքը: Բացի սրանից—տգիտութիւնը կասկածոտ է. տգէտը եթէ կուրաբար չի հաւատում—նա միշտ կասկածելով է վերաբերւում դէպի ամեն ինչ, ամեն անձնաւորութիւն, ամեն երևոյթ: Նա գիտակցական հաւատ չունի, նա վստահութիւն չունի:

Մեր այստեղ մէջ բերած՝ ընկերութիւնների կազմելուն արգելք եղող՝ պատճառները թէև աւելի դժար վերացնելի, դժար դարմանելի են, քան թէ ընկերութիւնների անյարատուութեան և լուծւելուն նպաստող պատճառները, որոնց մասին վերև խօսեցինք—որովհետև սրանց արմատները զտնւում են մարդկանց իրանց մէջ, իրանց մտի և արիւնի մէջ,—սակայն այս հանգամանքը մեզ չպիտի վհատեցնէ. նախ՝ որ կան մեր հասարակութեան մէջ բաւական թւով այս հակահասարակական ակտերից ազատ մարդիկ, որոնք և, այսպէս թէ այնպէս, կարողացել են հիմնել այն՝ թէ հանդուցեալ և թէ կենդանի՝ ընկերութիւնները, որ մեզ յայտնի են և ապա՝ դրանք, այդ պատճառները, իբրև անկրթութեան հետևանք, ժամանակաւոր են միայն: